



Smrt će biti dovedena u liku crno-bijelog ovna

Ebu Seid el-Hudri, radijallahu anhu, prenosi da je Allahov Poslanik, sallallahu 'alejhi ve sellem, rekao: "Smrt će biti dovedena u liku crno-bijelog ovna, a zatim će zovnuti glasnik: 'O Džennetlije!', pa će oni ispružiti vratove da bolje vide i gledati. 'Znate li ovo?', bit će upitani. 'Da, znamo', odgovorit će, 'to je smrt.' Svi su je već vidjeli. Zatim će biti pozvane džehennemlije. I oni će ispružiti vratove da bolje vide i gledati. 'Znate li ovo?', bit će upitani. 'Da, znamo', odgovorit će, 'to je smrt.' Svi su je već vidjeli. Tada će ovan (tj. smrt) biti zaklan, a onda će biti rečeno: 'Džennetlije, vječnost i nema više smrti! Džehennemlije, vječnost i nema više smrti!' Potom je (Poslanik, sallallahu alejhi ve sellem) proučio: 'I opomeni ih Danom tuge, kada će s polaganjem računa biti završeno, a oni su ravnodušni bili i nisu vjerovali' (Merjem, 39.), dodavši: 'Ovo su ljudi koji na dunjaluku ne vjeruju, u nemaru, ravnodušnosti i bezbrižnosti.'"

[Vjerodostojan] [Muttefekun alejh]

Allahov Poslanik, sallallahu 'alejhi ve sellem, nam pojašnjava da će na Sudnjem danu smrt biti dovedena u obliku crno-bijelog ovna. Zovnut će glasnik: "O džennetlije!", pa će oni ispružiti vratove da bolje vide i gledati. "Znate li šta je ovo?", bit će upitani. Odgovorit će: "Da, znamo, to je smrt." Svi su je već vidjeli. Potom će glasnik pozvati džehennemlije i oni će ispružiti vratove da bolje vide i gledati. "A znate li vi šta je ovo?", bit će upitani. "Da, znamo", odgovorit će, "to je smrt." Svi su je već vidjeli. Tada će ovan (tj. smrt) biti zaklan, a onda će glasnik kazati: "Džennetlije, vječnost i nema više smrti! Džehennemlije, vječnost i nema više smrti!" To će biti kako bi se vjernicima povećao užitak, a nevjernicima patnja. Nakon toga, Allahov Poslanik je proučio sljedeći ajet: "I opomeni ih Danom tuge, kada će s polaganjem računa biti završeno, a oni su ravnodušni bili i nisu vjerovali." Dakle, na Sudnjem danu vjernici će se razdvojiti od nevjernika i svako će pristupiti svom vječnom boravištu. Grešnik će se tada kajati što nije dobra djela činio, a nemarnog će gristi savjest što još više dobra nije uradio.

<https://sunnah.global/hadeeth/bs/show/65035>

